

圖至宿分步之存各天本色之炁布於光  
口中東八天步斗牛女虛危室壁之罡南  
八天步角亢氐房心尾箕之罡西八天步  
井鬼柳星張翼軫之罡北八天步奎婁胃  
昂畢觜參之罡四維梵天不屬正宿中斗  
罡依色取各天之炁立待感通詳載大法  
西舉其畧

東向誦經

誦經之格初一遍從道君前序道言昔於  
始青天中誦起至此存思却誦後經本章  
第二遍即從元始洞玄靈寶本章誦去每  
令一存思周得十遍每至第十遍却當從  
前序誦一遍而復祝想也

誦此經當周十遍者以遵十迴度人之義  
也

自道言昔於始青至東向誦經乃

太上王晨大道君前序

太上洞玄靈寶无量度人上品經法卷之一

元始无量度人上品經法卷之二 秋二

太上三五都功職錄弟子陳椿榮集註

元始无量度人上品妙經

皇人曰此乃道君標目前題太上洞玄靈  
寶者王晨道君序經故以道言標首此題

直云元始无量度人者是天尊自說以元  
始為題又自然已前亦是道君小序混洞  
已後方是天尊本章

洞玄章

元始洞玄靈寶本章

此是皇人標題內名也

上品妙首

玄師曰元者萬道之祖始者衆炁之宗洞  
者神應靈感玄者變景莫測靈者有求必  
化寶者仙真聖根此之六字以為萬道之

祖衆炁之宗歸於大洞之中則為上品妙  
首也

十迴度人

此天尊十遍說經十轉迴靈之法也

百魔隱韻離合自然

百魔隱韻離合自然

此四句皇人總明一經宗旨大意二十四  
字乃洞玄本章之首

玄師曰其章中之旨乃百魔隱韻或離或  
合皆在自然百魔者九霄大魔帝君之王  
與上帝元始同化王清元炁皇胃之胤嗣

也神霄玉清王紫霄王清霄魔王丹景中  
極保景王青霄王清洞明照王玉霄妙化  
王次太霄碧霄景霄琅霄玉清王亦大魔  
之帝也次九天大魔三天大魔三界大魔  
三清大魔五帝大魔諸天大魔梵天靈君

之魔次三省天相太玄之魔比魔非魔靈  
魔制魔神魔等至六天大魔隱韻皆典二  
章之中以洞妙百魔之音離合而成章

赤文章

太極妙化神靈混洞赤文章

元始開運太玄肇靈虛極无象一炁流形  
化生二景五緯凝精混合自然但除結嬰  
總真布景煥赫九清炎池廓奕七紀齊井  
析師盧浩丹天耀晶朱光煉度赤霄散明  
三華鬱秀輝映帝晨

三華鬱秀輝映帝晨

三華鬱秀輝映帝晨

三華鬱秀輝映帝晨

三華鬱秀輝映帝晨

三華鬱秀輝映帝晨

三華鬱秀輝映帝晨

三華鬱秀輝映帝晨

太極妙化神靈混洞赤文章者攝化九陽而明天度以成九霄九天之境是以

神霄玉清虛皇天泛上靈景華九陽清真

虛梵之炁而成天境

丹霄南極玉文天泛丹靈妙華洞陽景真

元梵之炁而成天境

碧霄太虛真極天泛廣靈太華上陽元真

靈一之炁而成天境

玉霄玉靈素華天泛玉靈素華純陽至真

元一之炁而成天境

太霄太靈真元天泛太靈洞華三陽九真

太一之炁而成天境

琅霄素靈皓元天泛素靈皓華六陽洞真

至一之炁而成天境

紫霄元靈上極天泛元靈紫華清陽妙真

天一之炁而成天境

景霄妙靈寶華天泛妙靈寶華景陽精真

虛一之炁而成天境

青霄玉華無極天泛青靈玉華元陽天真

純一之炁而成天境

此九霄九天皆混洞赤文之所化梵天天境者也

混洞赤文雙手指无无上真

混者混沌之名洞者洞陽之炁五字生於

大梵之先至赤明劫元始運洞陽之火冶

鍊而成赤文赤二玉字赤文齊混沌之初在

天地之先凝化空洞之上鬱結太无之中

太无之无亦无其无既无其无故曰无无

上真也

元始祖劫化生諸天

祖始也玄元始炁於始初之劫歛然化生

五億諸天始劫者世界初生未經成敗也

內象丹旨曰元始者乃先天虚无自然祖

炁在人謂之自己曩劫不壞元神

開明三景是為天根

二儀分形三光垂耀皆稟始炁故為天根

內象丹旨經曰道生一一生二二生三三

生萬物故虚无自然本起經曰夫道得三

乃成故言三合成德自不滿三諸事不成

繫辭曰易有太極是生兩儀蓋由一炁而

分清濁是為三也九天生神章經云三炁

合生九炁三炁為天地之尊九炁為萬物

之根三因成九為萬物之根是為三生萬

物三合成德在道為三炁在物為三才在

天為三光在人為三元皆元始之祖炁作

萬物之本根故開明三景是為天根以內

而言假設法象則曰鉛汞砂也直指其物

則是本有之性與夫日用妙化陰陽之二

炁也人雖知此本有之性則明妙而莫知

本有之性繼種於坤宮兩腎之間即先天

虚无自然純精真一之炁陰陽妙化自此

發生詳見於丹旨混洞赤文元始祖劫註

夫天地之間萬物先有本而後有根若果

之有核是其本也種之於土陰陽激薄則

垢萌芽而生根故能長茂華實生生不窮

若无根株而欲其本之久存者未之有也

故天尊先指祖炁而為道之本次明三景

而為道之根大法靈寶有開明三景之道

兆於日初出時平心向太陽祝鬱儀呪曰

日魂朱景照韜綠英回霞赤童玄炎颺象

引日紫炁八十一咽月初出時向太陰祝  
結璘呪曰月魄愛蕭芳艷翳家婉虛靈蘭  
鬱華結翹淳金清瑩炁容臺標引月黃色  
炁一百二十咽夜戌末時仰視北斗祝北  
斗內諱魁魁魘魘魘吸七星金光四  
十九咽服此三景真炁還精復胎三年功  
滿受書為三景真人又有內朝三景飛仙  
分形之道辰戌丑未四時朝中元心中司  
命神字玄堅中極太一君也主養兆一身  
之形質下在脾中脾為玉堂一名玉房叩  
齒五通存脾中黃炁有一真人如初生小  
兒黃衣冠祝曰中極玄堅太一真君甲欲  
得真人神仙黃庭之道寅卯午申四時朝  
上元太一神君號南極老人主兆魂魄胞  
神命炁胎府之父也叩齒九通存頭上直  
入一寸名太極宮又名太一宮赤黃炁滿  
宮有一真人如童子狀絳衣祝曰南極元  
老太一真君甲欲得神丹長生不死之道  
子酉巳亥四時朝下元北極玄道母字玄  
妙下在雙合宮中腎為雙合宮主兆精炁

生死符籍之母也叩齒四通存腎中有白  
炁炁中有神龜龜上有玄女即靈妃坐龜  
也青白衣如初生小女子右有司錄君左  
有司命君祝曰下元元神北極玄道母字  
玄妙甲欲得金醴玉泉可飲食者乞救司  
命司錄削甲死籍更注長生日久行之常  
念勿忘乃洞玄三皇帝君所行實靈寶之  
密機亦盟天告師而行矣  
上无復祖唯道為身  
稟元始妙炁之自然而化成人道之法身  
夫道以虛无為宗以自然為本以道為身  
无復先祖也  
五文開廓  
皇人曰五文者五方五老赤書玉字內音  
也  
普植神靈无文不光无文不明无文不立无  
文不成无文不度无文不生王清文  
五篇真文開廓形狀普生天地安置神靈  
无真文則日月不得光星辰不得明乾坤  
不得立世界不得成幽魂不得度枯骨不

得生  
大梵章  
是為大梵天中之天  
龍躡經曰三清天者四梵天以上太極宮  
所治太清十二天九仙所居九老所都金  
闕後聖所治次上清十二天九真所居玉  
晨道君所治次无上大羅玉清十二天九  
聖所居元始天尊所治是天中之天三十  
六天也  
鬱羅蕭臺  
蕭臺是七寶玄臺有九層映鬱大羅之上  
玉山上海  
太玄都玉山上海祖師元始天尊治玄都  
玉京  
上極无上大羅玉清  
大羅玉清京玉清祖師元始天尊宴居无  
上大羅之天聖師玉皇上帝治太微玉清  
宮總治種民天  
眇眇劫初若亡若存三華離便  
諸天之上有三華堂離便宮三華者玉清

三元宮也上元王華中元金華下元九華皆三元上皇道君居之離使者王清之境離宮便殿也

大有妙庭

上清妙庭宮宗師王晨道君安處无色世

界上清大有之天

金闕王房

宗師王晨道君治金闕寥陽宮真師太上

老君治太清宮王房者上清玉房宮

森羅淨靈

森羅上館淨靈二沼乃玉清殿下兩池也

玄師曰以內言之泥丸九宮也此正是內

朝元始之道也

御註此九宮乃玉京雌雄九宮之名比人

泥丸中太華中華少華三華屬木有玉清

坤母居之離便屬火有上清玉妃居之大

有屬土有黃素紫靈元君居之妙庭屬水

有太玄神女居之此四宮為雌宮在玉京

之比金闕宮有太素元老居之王房宮有


華陽帝君居之森羅宮有流珠真人居之

淨妙宮有太一元王居之太靈宮有上元赤子居之此五宮為雄宮在玉京之南已上九宮在玉京山之上列布區象如人之腦也以身推之无不相契但人室昧而不知矣

梵炁章雙手玉清

大行梵炁

玄師曰大行梵炁者已之元炁也詳明於圖中



大行梵炁圖

九鼎九炁

炁中兼有小兒

西龜山大王行炁圖

靈妃

坐龜



玄師曰梵炁之祖者西元王母也九靈太妙白玉龜臺玉光金真梵炁祖母元君青金丹皇大道君金母居西龜之山亦曰龍山乃九炁之根紐真土之淵府西北之角亥子之間與玉清連界通於泥丸也南接通陽絳宮上通肺炁也下通內戶日月之門丹房金宮在內腎方三寸北與內腎傍通十二神室中有梵炁之主雌一真母居焉梵炁日夜上朝若有塵心則失大行梵炁不能彌羅一身

周迴十方

內象丹旨曰此先天純精真一之炁藏於坤宮兩腎之間者也妙化發生上至乾宮陽極陰生下降還元升降循環流行不息故曰周迴十方也梵炁周迴詳見元綱流

演圖法

中有度人不死之神

度人不死之神名飛生主司度世不死事御註不死之神元始之分化也諱父寧在字合母精

中有南極長生之君

南極宮中有度命君字吁員主司長生之名簡

御註即長生大帝君亦曰南極注生大帝中有度世

度世君諱諒道覺字勤明天主過度三災九厄

司馬大神

御註度人濟世司馬大神王諱規常生字彥道周主領赤甲神兵威伐六天陰邪鬼精之神也

中有好生韓君文人

好生君諱猷神中之尊謂之文人御註好生君青華宮垂福惠生之君諱廣從願字度天慈

中有南上司命司錄延壽益算度厄尊神

此皆南上洞陽宮中之神即南斗六司之真也

迴骸起死无量度人王請文此二句通結上文從中有度人至此諸司

真官皆能迴骸起死度人成道也

御註九天天曹有迴骸起死君諱靈賢元字伯務真无量度人君諱理登經字足皇

明主南北二極太微紫微都糾之司玄師曰此諸神皆總炁於九天九天總炁

於太微太微炁蒸乃高上洞玄之炁入化身中已上正文乃元始天尊所說

招真章

今日校錄諸天臨軒

今日者赤明劫初大浮黎國開圖校錄之日也

十方神王當隨方指訣召之叩齒一通心禮一拜

東方王內諱元極飛天神王長生大聖无量度人初一日下降

南方王內諱元極飛天神王長生大聖无量度人初八日下降

西方王內諱元極飛天神王長生大聖无量度人初四日下降

北方王內諱元極飛天神王長生大聖无量度人初四日下降

神王內諱元極飛天神王長生大聖无量度人初五日下降

東北王內諱元極飛天神王長生大聖无量度人初二日下降

東南王內諱元極飛天神王長生大聖无量度人初三日下降

西南王內諱元極飛天神王長生大聖无量度人初六日下降

西北王內諱元極飛天神王長生大聖无量度人初七日下降

上方王內諱元極飛天神王長生大聖无量度人初九日下降

下方王內諱元極飛天神王長生大聖无量度人初十日下降

玄師曰此十方飛天神王威德功力重大聖化不可思議於赤明劫初浮黎國中開

圖校錄之日奉元始至尊之命掌三界十方一切圖錄並諸帝軒校量罪福紀錄功過隨方品量元極度人凡諸度生救死遣飛天使者吏兵奏告神王乞行救度十方至真飛天神王長生度世无量大神並

乘飛雲丹輿綠輦羽蓋瓊輪駘駕朱鳳文并五  
色玄龍文并五建九色之節十絕靈播前嘯九鳳  
齊唱文并

前部屬陽陽數奇故九也  
後吹八鸞同鳴文并

後部屬陰陰數偶故八也

獅子文并白鶴文并嘯歌文并邕邕文并五老啓塗文并  
羣仙翼轅文并億乘萬騎浮空而來

五老五帝也十方大聖道位尊高乃感五  
帝前引羣仙參乘開啓道塗五符本行經

云東方安寶華林青靈始老青帝姓閻諱

開字威靈仰南方梵寶昌陽丹靈真老赤  
帝姓洞浮諱極炎字赤燥督中央玉寶元

靈元老黃帝姓通班諱元良字合樞紐西  
方七寶金門皓靈皇老白帝姓上金諱昌

開字曜魄鬱北方洞陰朔單玉寶五靈玄  
老黑帝姓黑節諱靈會字隱侯局五老帝

者皆天真自然之神故曰元始五老  
傾光迴駕文并

傾光者流精玉光互相輝煥也迴駕者飛

雲輪較迴旋法座也

監真度生文并

十方上聖朝集帝所監領衆真校度羣生  
諸天丞相中指指指

丞炁相炁能立造化萬物主者丞相大羅

天之神公也為受度更生之賓輔弼諸天  
之事

南昌上官文并韓司主錄文并

韓君之司主監長生之錄

監生大神文并

即度生真人也字扶義

執籙把籍齊到帝前隨所應度嚴校諸天中指

已上正文玉晨道君敘述受度之旨

普告章四十八字普告三界之

普告三界

欲界色界无色界也

无極神鄉

十方无極世界

泉曲之府北都羅鄴

北下元右宮也北鄴在天地之北癸地名

鄴都泉曲府羅鄴是北都上山名伏魔經

云下方正北有一大海穢惡腥黑莫測邊  
際中有一山高十萬六千里上參碧落下

入風泉名曰北都羅鄴山山近水面有一

大洞名曰陰景天宮周迴三萬六千里中  
有三十七獄主此洞者名曰太陰天君此

洞之外山上別有六洞六天大魔各主其

一即太陰天君外六曹也六曹小吏合有  
三十六萬人第一洞名曰紂絕陰天宮第

二洞名曰泰然諒事宗天宮第三洞名曰

明晨耐犯武成天宮第四洞名曰恬照罪

炁天宮第五洞名曰宗靈七非天宮第六  
洞名曰敢司連宛屢天宮經云能持此六

宮名號生敬畏者即得魔王保舉削落死

名生死受賴獲福无量已上六宮與太陰  
天君洞中六宮互相關報主執罪罰子司

曹局因事受職千千萬萬何可勝言  
三官九署  
天地水三官也三官各有三府故曰九署

按三元品戒經上元天官隸玉清境結青黃白三炁而置三官中官名元陽七寶紫微宮宮置左右中三府左府主生官太陽火帝考右府主死官太陰水帝考中府主生死罪福風刀之考左官名太玄都元黃太極左宮即玉清左相宮也亦置三府右官名太玄都洞白太極右宮是清微宮也亦置三府主考一同中官上元三官宮統三府府統四曹合三十六曹中元地官隸上清境結元洞混靈之炁凝極黃之精而成其中官名洞靈清虛宮宮置左右中三府左號耐犯明晨府右號紂絕陰天府中號七非恬照府主考罪福不異上元左官名南極洞陽宮宮置三府左號諒事府右號宗靈府中號靈如神府右官名北鄴宮一名陰天宮宮置三府左號連宛泉曲府右號泰然九幽府中號罪炁咸池府中元三宮九府合四十二曹主考不異上元下元水官隸太清境結風澤之炁凝晨浩之精而成其中官號陽谷洞泉宮一名青華

方官置左右中三府左號青元靈名府右號九泉寒夜府中號翔單青靈府左官名青靈宮宮置三府左號靈劫府右號長夜府中號靈寶劫刀府右官名鄴都宮宮置三府左號開度劫量府右號泉曲鬼神府中號通靈大劫府下元三官九府共四十二曹主考不異中元三元總九宮二十七府百二十曹左主生事右主死事有功書左府青簿有罪書右府黑簿若罪中涉福福中涉罪則不專一曹得道奏中宮有功奏左府有罪奏右府每至三元之日集校列奏三官

### 十二河源

玄師曰十二分野有十二水河之源湊於无極混海泄水於天河東井之源也成玄英註此明黃水之華鍊度死魂之事十二者年中十二月也河源者河即天河也天有二十八宿東井星是天河之源衆水之泉月為太陰之精諸水之母月行則每月一周天一年十二月每月中有一日

月文皆於東井華池之境吐水灌注此鍊度死魂之所故云十二河源以明其事又見三五順行經上解祖考億劫種親疾除罪簿落滅惡根不得拘留逼合鬼羣王清批

### 符命章王清批

十六

元始符命時刻昇遷北都寒池部衛形魂制魔保舉

### 法曰制魔保舉度人

度品南宮死魂受鍊仙化成人身身受度劫劫長存隨劫輪轉與天齊年永度三徒牛坤與文

### 三官徒役也天徒諱可韓明人徒諱與生

轉地徒諱獨隸連斷絕天徒界上尸道色欲門免天宮驅雷逐電之役牛斷絕地徒界中尸道愛欲門免地官擔沙負石之役

### 坤斷絕人徒界下尸道貪欲門免水官連

### 汲溟波之役吳

### 五苦中實文八難日月文

玄師曰三徒五苦合為八難度第一色累苦心門免泰山地獄苦道中

度第二愛累苦神門免風刀地獄苦道實  
 度第三貪累苦形門免擔沙負石苦道實  
 度第四華競苦精門免填海作河苦道實  
 度第五身累苦魂門免吞火食炭鑊湯苦  
 道實

超凌三界逍遙上清玉清大移至  
上清文扶

已上正文元始天尊所降告命玉晨道君  
 紀錄

寶諱章

上清之天天帝玉真无色之境梵行音舞又  
下五切

玄師曰梵行者道中之道玄中之玄真空  
 元礙也三界之上玉清之下太清之上有  
 天帝曰玉真天帝乃昊天玉皇上帝玄穹  
 高上天尊主治无色梵行之境是種民天  
 界也又曰玉晨道君安處无色世界上清  
 大有之天廿二  
 薛幽樓註景者身也色者質也无色之景  
 則有景无色形相宛然猶如虛空故云梵  
 行下五李少微註无色之景唯有大梵之  
 炁流行平聲景境二字與行字  
 作兩音經台皆通

東方八天步斗牛女虛危室壁之星  
依色取炁梵天中斗星  
 欲界六天六根俱染是名欲界  
 經曰凡人口業淨有十善功以上得生欲  
 界天中

太黃皇曾天黃而 維角之天西北梵炁

帝鬱繼玉明 承奎壁二宿之分

帝諱觀覺主長生錄居紫極宮治在北方

亥之西六根俱染皇曾一天西北梵炁承

奎壁二宿之分凡言梵者是四維之天維

是角也其維之天不屬正宿但得兩邊宿

炁相假而成故云梵炁已下三天做此其

四方正面之天係二十八宿之分

太明玉完天綠炁

帝須阿那田

帝諱攬覺主度魂更生居紫房宮治在北


方亥之東 一欲根籠淨五欲根籠染

清明何童天青炁

帝元育齊京

帝諱大覺主敷布政教度脫天人居九宸

官治在北方壬之西 二欲根籠淨四欲



根籠染  
 玄胎平育天赤炁  
 帝劉度內鮮  
 帝諱育元主召魂舉仙居元景宮治在北  
 方壬之東 三欲根籠淨三欲根籠染


元明文舉天蒼炁  
 帝醜法輪  
 帝諱梵雲主通行元炁居廣寒宮治在北  
 方癸之西 四欲根籠淨二欲根籠染

上明七曜魔夷天黑炁  
 帝恬愴延

帝諱玉真主開度幽難居太陰宮治在北  
 方癸之東 五欲根籠淨一欲根籠染

已上欲界天有形有欲觸物染著交接陰  
 陽人民胎生廿二故為欲界太真科曰初二天  
 果報尚籠猶以身交為欲次二天以執手  
 為欲第五天以口說為欲第六天以眼視  
 為欲今緣六欲感此六天一根籠淨上進  
 一天六欲總淨超出欲界上登色界

女






色界十八天有形无欲而有六色十八塵  
色塵六天細塵六天輕塵六天一色塵六天  
一四塵六天  
經曰凡人身業淨有三百善功得生色界  
天中

虛无越衡天君炁

帝正定光



帝諱无上主明无上之道居太玄宮治在  
北方丑之西 六色塵俱染初出微界猶  
染色塵

太極濛翳天君炁

帝曲育九昌



帝諱吁員主鍊度朽骸居玄都宮治在北  
方丑之東 一色塵籠淨五色塵籠染

南方八天步角元炁房心尾箕之星  
依色取炁 梵天中斗星

赤明和陽天君炁


帝理禁上真

承箕斗二宿之分  
維角之天東北梵炁

帝諱煥明主鍊仙成真居長明宮治在東  
方寅之北 二色塵籠淨四色塵籠染

玄明恭華天君炁

帝空謠醜音




帝諱世元主應化一切居東華宮治在東

方寅之南 三色塵籠淨三色塵籠染

昭明宗飄天君炁

帝重光明



帝諱洛覺主劫終納學仙之人居昊玄宮  
治在東方甲之北 四色塵籠淨二色塵籠染

笠落皇笏天君炁

帝摩奧妙辯



帝諱韶主履試學仙之人居青玄宮治在  
東方甲之南 五色塵籠淨一色塵籠染  
此前世塵六天學者若修極此天即色  
塵俱盡起入細塵天中

虛明堂曜天君炁

帝阿邛婁生



帝諱雲上主開度天地居重華宮治在東  
方乙之北 六色塵籠淨六細塵染

觀明端靖天君炁

帝鬱密羅千



帝諱淨生主度學者之身居光華宮治在  
東方乙之南 一細塵淨五細塵染

玄明恭慶天君炁


帝龍羅菩提



帝諱鏡主度得道之人居開合宮治在東  
方辰之北 二細塵淨四細塵染

太煥極瑤天君炁

帝宛梨无延



帝諱廓奕主教學仙之人居帝康宮治在  
東方辰之南 三細塵淨三細塵染

西方八天步井鬼柳星張翼軫之星  
依色取炁 梵天中斗星

元載孔昇天君炁

帝開真定光

承角軫二宿之分  
維角之天東南梵炁

帝諱猷主鍊度死魂居延壽宮治在南方  
巳之東 四細塵淨二細塵染

太安皇崖天君炁

帝婁婁阿貪




帝諱宛主開度善人居開明宮治在南方  
巳之西 五細塵淨一細塵染

此前十細塵六天學者修極此天即細塵盡  
昇入細塵天中 輕塵六天

顯定極風天君炁

帝招真童




帝諱流主度有功之魂居大赫宮治在南  
方丙之東 六細塵淨六輕塵染

始皇孝芒天 綠炁

帝薩羅婁王

張




帝諱易邈主披夜開幽居太丹宮治在南

方丙之西 一輕塵淨五輕塵染

太皇翁重浮容天 青炁

帝閔巴狂

星



帝諱阿濫主召魔集真居華蓋宮治在南

方丁之東 二輕塵淨四輕塵染

无思江由天 赤炁

帝明梵光

柳




帝諱阿丘主開度善魂居明堂宮治在南

方丁之西 三輕塵淨三輕塵染

上揲阮樂天 蒼炁

帝勃拂勃 滿監

鬼




帝諱无量主品類天人等級居靈連宮治

在南方未之東 四輕塵淨二輕塵染

无極曇誓天 黑炁

井



帝飄弩穹窿

帝諱雲主度一切天人居中元宮治在南

方未之西 五輕塵淨一輕塵染

已上一十八天通名色界

此前六天猶有輕塵為累從此天昇入即至无色界天

北方八天 步奎婁胃昂畢蕭參之置 休色取炁 梵天中斗星

无色界四天至真无情不交陰陽人民化

生但敢香炁无復形質之患也

經曰凡人心業淨有六百善功生无色界天中

皓庭霄度天 碧炁

帝慧覺昏

維角之天西南梵炁

承參井二宿之分

帝諱育主拔度學人居瓊瑤宮治在西方

申之南 色塵俱淨形想都无如虛空也

唯存心識以入炁觀炁觀道成即昇入元

洞天也

淵通元洞天 紫炁

帝梵行觀生

參



帝諱上主度學仙之人居真元宮治在西方

方申之北 若有心識為患若能捨除心

識以至无為即昇入妙成天也

太文翰寵妙成天 白炁

帝那育醜瑛



帝諱陀主統理魔王居神靈幽宮治在西方

方庚之南

前因都忘心識即居此天

此天不使兼忘故應用即有不為即无若


空有都无即失真中之應以其空中有真

真中有應生成萬象皆出於空萬法在心

亦无形相將令學者觀心若有若无即生

禁上天也

太素秀樂禁上天 黃炁



帝龍羅覺長

帝諱隗主領錄魔王居化靈宮治在西方

東之北 炁觀轉妙結習都忘若洞入自

然即昇種民天也

已上四天謂之无色界太真科曰无色界

中人身微妙无復形色以其无形可見故

曰无色三界之人生死之根未斷陰陽之

炁猶存故有壽數或昇入上境或下生人

中隨功高下輪轉無窮唯得道乃已也

天人壽數茲不具載

四維民天塵業俱淨結習都忘超種民天

煩惱為結學業為習

大虛无上常融天綠炁

帝總監鬼神秋二

帝諱極主教學者之功居萬福宮治在西

方辛之南 初出三界清淨無染喜樂無為

太釋玉隆騰勝天青炁

帝眇眇行元胃

帝諱浮黎主召集仙聖居白蓋宮治在西

方辛之北

龍變梵度天赤炁

帝運上玄玄婁

帝諱惡奕主進仙成聖居雲保宮治在西



方戌之南 隨炁升降無復結習

太極平育賈奕天蒼炁

帝大擇法門奎

帝諱精上主度學者之身居天保宮治在

西方戌之北



已上四天為四民天亦謂之種民天此四

天人出二炁之外無年壽之限喜樂清淨

太真科曰上昇四天洞入道境隨炁昇降

災所不及過此乃證自然無為大洞之境

李少微註三十二天炁及所係星宿帝諱

主掌見洞神經根塵染淨見龍躡經

已上正文元始天尊所說

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中大魔天中之靈

空洞者諸天太空虛無之中也八會靈文

自然玉字非造作而成故曰自然靈章隱

韻者乃中篇隱語三十二天內音隱其韻

調文旨玄奧故曰隱韻隱諱名者乃天

中至尊大神魔王仙靈之名號也所謂尊

者如訶摩乃元始之稱呼宛首乃道君之

內號神者阿那之神九醜之鬼是也大魔

者魔羅乃天中大魔都是天中魔王也靈

者郁馥即斗中靈童婆泥乃火鍊靈童是

也畧舉而證之不能詳釋矣

九和十合變化上清无量之奧深不可詳數

落神真普度天人

九陽也十陰也謂帝諱靈章內音隱韻乃

陰陽之炁結而成文和合變化於三境諸

天莫測其奧不可得而名言蓋神靈真妙

之炁敷布廓落天上人間廣度羣品矣

已上正文玉晨道君紀述

受度章

今日欣慶受度歷關諸天成文至

歷關諸天靈官各百二十人主關告諸天

請滅三惡

落滅地獄惡道坤至艮落滅下鬼惡道艮

至坤落滅畜生惡道辰至戌靈官各一百

二十人傳符赦罪拔度苦魂

玄師曰請諸天滅三惡者內因身心口三

業所招外生貪嗔癡三毒之愆而致墮地

獄下鬼畜生三惡道中既今日受度於玉

清則隨所生甲乙上屬三十二天師資歷

關請滅三惡內除身心口三業外絕貪嗔

癡三毒則地獄無由可墮下鬼無由可入

畜生无由可化雖受度已滅三惡內外不除業毒三惡亦未免於墮落也

斬絕地根辰文

斬絕胎根戌文斬絕胞根亥文斬絕結根子文斬絕節根兌文斬絕欲根中文斬絕

耳眼口鼻舌身意根震文皆為地根也

靈官各一百二十人隨訣召降取東方炁吹入身中斷諸死道之根

飛度五戶

飛度色累戶申文飛度愛累戶寅文飛度

貪累戶亥文飛度情累戶巳文飛度欲累

戶酉文靈官各一百二十人能開五戶之

苦門

名列太玄上清文

靈官一百二十人主注學士生名於太玄

天省

魔王監舉玉清文

靈官一百二十人主命魔保舉學人事

无拘天門純文

靈官一百二十人齋昇天券令得道人過

天門

法曰太玄魔王監舉度人落滅惡根則制

魔保舉度品南宮斬絕地根則太玄魔王

監舉得昇天門

玄師曰人之生也上有十二節父母傳流

死炁之根也中有十二結一身稟受死炁

之根也下有十二胞胎傳流子孫死炁之

根也皆為地根故受度之日亦須斬絕內

除三十六根外制六根惡趣地根斬絕閉

債封形然後飛度五戶得名列太玄魔

王監舉得昇天門皆骨肉同飛上昇玉清

之日受度之旨也開債封形之法別有科式

已上正文元始天尊歷關之文王晨道君

紀錄

五行章

東斗主算卯文

東斗主算司錄真官

老君說東斗長生護命經斗中有五星曰

蒼靈延生凌光護命關天集福大明和陽

尾極總監

西斗記名酉文

西斗記名司命真官

老君說西斗大計護身經斗中有四星曰

白標高元皇靈巨威

北斗落死子文

北斗落死司非真官

老君說北斗本命延生經斗中有七星曰

貪狼巨門祿存文曲廉貞武曲破軍

南斗上生午文

南斗上生司厄真官

老君說南斗延壽度人經斗中有六星曰

司命司錄延壽益算度厄上生

中斗大魁玉清文

中斗大魁司禁真官

總監衆靈子文

總監衆靈考校真官

老君說中斗大魁長算伏魔經斗中有三

星曰赫靈度世轉化上聖冲和至德

或者以東南西北二十八宿各方七宿為

四方之斗以今人所謂北斗為中斗引天

官書而證曰斗為帝車運手中央臨制四方以神州之人居極之南自北而觀故謂北斗也又真一口訣曰斗中自有五斗陽明為東斗陰精為西斗丹元為南斗北極為北斗天關為中斗所說不同故並存之

青帝護魂軍文青帝護魂真  
人帝姓常諱精明

位東主木內應肝臟護三魂使其通靈澄正魂藏於肝故曰護魂

青帝歌曰

東望重拜手蒼帝玉皇君靈風鼓橐籥

育物布元春雲龍變嚴駕玉銜擁瓊輪  
枯萌泛露及大惠无不均萬仙歌以道  
委曲戒天人心根迷自固拱謁戴洪仁

白帝侍魄元文白帝侍魄真  
人帝姓混諱奉狀

位西主金內應肺臟侍七魄使无散亂閉

塞鬼道魄藏於肺故曰侍魄

白帝歌曰

六甲抱金關七政守靈壇流鈴擲火化  
威劔巨龍蟠遊彼素靈真明憲孰敢干  
束制妖魔凜落霄風寒沓烝既已息

萬天俄而安真傳荷大莛抵顙相歌歡

赤帝養炁萬文赤帝養炁真  
人帝姓夫諱洞丹

位南主火內應心臟養元炁炁從火生故曰養炁

赤帝歌曰

大景開玉樞洞堂啓金除齋林廕瑤砌  
丹鸞踏瓊株寶房名曲麗明璫神所居  
飛遊豁雲道引目眇真都天日永不夕  
重煙鎖青廬太上赤印開帕几羅簡書  
裊風樹玄化愨辛諒有餘

黑帝通血元文黑帝通血真  
人帝姓玄諱明明

位北主水內應腎臟使血脉通利榮盛一  
身黑帝太元水帝也水在人身為血歸  
於水故曰通血

黑帝歌曰

无質統有物淵兮上帝心不啓不發道  
蘊妙化機深恐爾漏未盡陰想勿浸淫  
輪轉无涯波苦道相迷尋萬年常謹約  
一旦自湮沈无冲落鬼境殃譴不可任  
黃帝中主元文黃帝中主真  
人帝姓麻諱忠慎

萬神无越元文

萬神无越真人位中央主土內應脾臟營衛中府拘制萬神不令錯越一身之中則肝藏魂肺藏魄絳宮丹田二炁交媾則赤炁下降玄泉上昇心藏血腎藏精二炁返復交相生養黃庭之中神意所在也

黃帝歌曰

萬天拱中宸控駕玉池根翹機貫億曆  
洞朗闢四門大有混皇真糾制星宿魂  
非帝道不運有方類之存威忿即霜秋  
和預為陽春生成握元紀仰荷戴无垠  
薛幽棲註五帝在天則主領五方神仙在  
地則主領五嶽鬼神在人則主領五臟精  
神各有所主人法地地法天天法道道法  
自然神有所歸故无錯越三合以成其德

衛真章中面三十二通存  
身為神公誦之

青天魔王元醜伯文安抑

東方青天大魔王姓斌諱齒成巴與元始  
同生統御九天醜伯三界魔王也主領三  
界學人識其音則享福不識其音則被殃

若得魔王保舉身入三清也

青天魔王制邪玉文

鬱謁蒼晶洞景開明始陽九炁停華育魂  
流英妙府靈真上神瓊碧雲冠飛光羽帶  
青腰玉女太上真人保度仙錄消魔却氛

赤天魔王負天擔石文批

南方赤天大魔王姓佛諱由肅勢能遏天  
力能傾山飛空三界遏人功德制伐衆靈

赤天魔王制邪玉文

昌陽真老赤靈尊神統御丹天檢制魔羣

嚴駕朱鳳三角之麟上道泰清玄元之根

火燦三炁盤徊絳雲育養丹府保制長存

白天魔王反山六目文批

西方白天大魔王姓赤諱張市一頭六目  
能破山反石總制六天鬼神斷人生生之  
路也

路也

白天魔王制邪玉文

七靈暗炁三素元真中有皇老制攝魔精  
庚辛官將七十萬兵羽旗龍節金虎雲奔  
斷除妖妄鍊育華英與道長存歷劫无傾

黑天魔王監醜朗馥文批

北方黑天大魔王姓徐諱直事為性凶醜  
而好殺

黑天魔王制邪玉文

北陰鬱丹玄炁之宮帝真靈會驅神駕龍

室有玉女夜光之重掌握圖籙攝制魔蹤

虛危合化紫煙激風寶晶鍊育後天无終

黃天魔王橫天擔力文批

中央黃天大魔王姓天門諱波往大魔王  
衣玄文之衣頭戴通天之冠腰佩龍頭之

劍乘羽輪之車飛行雲中常作謠歌有三

千言敗亂後學太上書其曲在消魔經

薛幽棲註魔王上四言位號中二言諱下

二言字也內象丹旨註舊說謂魔王作謠

歌以亂後學靖而思之不然魔王非故敗

亂後學者蓋試之也色界魔王歌曰我界

難度故作洞文變化飛空以試爾身人雖

好道信而不篤者多矣徒慕虛名不為實

行魔王安得不試之試之心固者保舉成

真其敗亂者亦秉持不堅之過於魔王亦

何怪焉

黃天魔王制邪玉文

元皇上靈沖妙之尊混合真樸造化元根  
感激幽微挺生大神攝召萬炁齊會華房  
消蕩百魔與道俱昌保度却災滅試除殃

五帝大魔王文批萬神之宗

東方青帝大魔王南方赤帝大魔王西方

白帝大魔王北方黑帝大魔王中央黃帝

大魔王此非前之五帝五天魔王也乃五

帝之下別有大魔故嚴東註姓名以別之

青帝魔王姓迫落諱萬形赤帝魔王姓緒

諱上栢白帝魔王姓鄧諱呼兒黑帝魔王

姓梟諱公孫黃帝魔王姓宛躬諱產生各

領官屬三萬八千人與五天同生主領三  
界功等諸天故為鬼神之宗也

內象丹旨註玉清隱書云五帝大魔王領

官屬與天同生惱亂學人不欲成道又自

矜與諸天上帝齊其聖功後因龍漢開圖

乃服元始之化故步虛頌云魔王敬受事

故能朝諸天由是而言若學士堅持素志

功積行著則魔王敬奉及為之用又何敢而魔障也

東方九炁青靈始老青帝消魔王呪

洞耀育元精青華開大明布育九天炁始生存无英扶陽通攝御丹林合總真

積膏始暉上鬱疊明霞晨靈光煥羅絡

衛育保形魂混化合玄景仁惠消魔羣

萬遍道已超功當奏上清

南方三炁丹靈真老赤帝消魔王呪

三炁藹靈闕明虛煥玉丹朱陵有帝真

華雲飛絳輶統御萬界中撫運超億千

執策按簡籙洞章敷神篇解結散禍根

流金摧克姦志能成此道魔試俱无前

保度冥劫津宴賜无窮年

西方七炁皓靈皇老白帝消魔王呪

西靈回七度太眇鬱明華白元維我神

皇真御景霞皎皎三素暉昭昭破百邪

攝音延至炁金晶育三田鍊結固玉質

寶曜映瓊鮮魔精當滅試遠地无沈連

逸鬱高清館齊輪太上仙

北方五炁五靈玄老黑帝消魔王呪

北玄三秀藹太上紫皇居總炁攝幽棲

造化敷靈綱下統虛危精寶育天元房

靈通太妙神纏羅衛百關豁落滅魔試

凶災永不干大道保自然壽命无虧殘

萬劫享慶會白日登雲輪

中央一炁元靈元老黃帝消魔王呪

混化歸冲妙元皇總帝靈真老閉黃闕

四御齊玄鈞圓華太張上同携堅王君

結津固百骸瓊耀擁胎仙晨暉注明景

魔應自滅形萬道保无虧返老回童嬰

五會合一炁飛馭超雲京

飛行鼓從總領鬼兵文五

總領鬼兵三天大元帥

魔幢鼓節文五

九天尚父執麾左領神王執幢右統大神

按鼓後部力士執節前引天丁

遊觀太空自號赫奕文五諸天齊功

玉清赫奕天將大神皆統屬玉清神公太

玄上相也與諸天大聖高靈齊功自號玉

清靈寶赫奕之司 赫奕仙曹專主靈寶

一司

上天度人嚴攝北鄴

內象丹音註云欲界飛空之音卒章曰北

都泉曲府中有萬鬼羣但欲過人算斷絕

人命門阿人歌洞章以攝北羅三十五鄴東送妖

魔精斬馘六鬼峯諸天炁蕩蕩我道日興

隆蓋北鄴鬼神乃職司殺樂於過算絕命

天尊開度魔王順化勅攝鬼帝普告關盟

宣約處分毋輒肆害也

神公受命

玉清神公太玄上相右手紫微印左手玉

清文叩齒九通存神為神公之形頂玉清

大丞相金碧貂蟬之冠衣錦霞飛羽之袍

大帶朱履絳裙坐三色雲中神公即地皇

之臣馬祖大帝之嗣角龍辰宿大神之父

位玉清神公太玄上相號馬龍氏諱麻奕

善掃不祥

嚴東註神公者大羅天丞相也受天尊符

命掃蕩魔精不善之鬼

八威吐毒文百

八威大神隨訣召降衛護壇所青龍大神

震白虎大神兌朱雀大神離玄武大神坎

獅子大神坤窮奇大神艮麒麟大神吳辟

邪大神乾

猛馬四張文年

天馬大神文年

天丁前驅文王

大力天丁前驅大神

大帥仗幡文辰

命魔仗幡大帥

擲火萬里文庚

王清擲火大神將軍

流鈴八衝文庚

王清流鈴大神

敢有干試拒遏上真金鉞前戮文王

金鉞前戮大將

巨天後刑文根

巨天後刑大將

屠割鬼奕文右

王清屠割使者

風火无停文左

王清風火大將軍

千千截首萬萬剪形文良

剪截鬼穢大神

魔无干犯鬼无妖精

夫有真則有邪有善則有惡故邪能遏真

惡能喪善用此刑威驅除勦伐不得有相

干犯也

已上正文王晨道君宣述扶衛掃蕩之事

玉清大神之威神也

三官北鄰明檢鬼營文坤

明檢鬼營大神

不得容隱金馬驛呈文自

金馬驛呈大神

普告无窮萬神咸聽文三

三界五帝列言上清文坤

列言上清錄事

玄師曰此皆玉清天將大神自號玉清靈

寶赫奕之司輔翼玉清劫運改更滅魔掃

災昇度學仙之子檢校三界制禦鬼奕搜

究鬼營肅清道炁皆扶衛掃蕩之神也

已上正文皆元始天尊所降之命王晨道

君紀錄

五劫開化元洞玉曆章

真陽開化炁炁流通金闕在上玉府居東

鬱結五文煥散九空妙炁自然靈奧難窮

三靈共貫萬聖攸宗參稽學行標紀真功

形神俱契與道合同安鎮帝籙億劫无終

昔混元溟津大梵彌羅諸天未分九陽冥

合三因九轉六變七徇元始肇形五劫初

化乃命梵元祖晨道君筆錄天元運乘五

劫故元洞者以名祖炁玉曆者紀乎天元

劫運五周復歸其一自一炁化分三因成

九若龍若蟻蟠曲九道漢漢元極總九陽

祖炁之元文三

太上以三九運梵三五乘元合四十二炁

以開始青天元祖炁明東方始青之元應

九陽木王之初故東方得九炁以分天境

劫號龍漢次九因重複陽炁開明赤文流



光教落五度開圖丹書

太上以三乘五三轉朱英合二十四炁以開南丹天元祖炁明南方丹光之元應三陽火王之初故南方得三炁以分天境劫號赤明次復九因重積中黃化元天緯周躔梵元乘五

太上以五五三徊混陽十二合五十二炁以開中黃天元祖炁明中靈黃華之元應五陽土王之初故中央得一十二炁以分天境劫號上皇次九元復因素景肇陽七明煥梵五緯乘天

太上以七五三乘合三十六炁以開素靈天元祖炁明西華皓景之元應七陽金王之初故西方得七炁以分天境劫號延康次復九因周竟混化歸本一炁肇明

太上以二五乘十三積元陽合三十炁以開北玄天元祖炁明玄冥上景之元應一陽水王之初故北方得五炁以分天境劫號開皇是以五劫既周昊天成象一炁混道八境流光三積九乘八方開景八帝示

形九霄分化故

元始天尊命天真皇人以玉曆紀元洞混化之初劫運流復之本諸天分境結元洞正陽之炁為玉曆以紀天真天民劫運功積升退之道明九聖九品之階其諸玄秘別有九品仙籙經具載其詳

五劫五炁

龍漢始青之炁青 赤明丹光之炁赤  
上皇中靈之炁黃 延康素華之炁白  
開皇元陽之炁黑

東方玉字真文

龍漢始青玉曆寶章開九陽天元梵華炁  
九陽迴妙炁三景散元精碧霄浮靈篆  
青林繁淑英超遙玉清府遼邈蓬萊瀛  
真化通无間神風滋萬生

南方玉字真文

赤明丹光玉曆寶章開三陽天元梵靈炁  
皓劫開神運龍文泛赤霞八威奔電激  
九鳳破克邪鍊度丹皇室飛昇元始家  
炎明常繼照靈慶集農華

中央玉字真文

上皇中靈玉曆寶章開五陽天元梵寶炁  
混黃生一炁感化結真形上德持柔順  
含光洞杳冥建中該九極執本統三辰  
焯焯天端上飛芒曜玉靈

西方玉字真文

延康素靈玉曆寶章開七陽天元梵英炁  
皇老儲靈粹金精曜斗威六天咸誠滅  
萬寶復幽微爽氣浮高闕寒光藹素輝  
空同披玉勒華麗九霄飛

北方玉字真文

開皇玄上玉曆寶章開一陽天元梵混炁  
五炁符元妙諸天混太冥辰精飛羽黑  
玉女散華青紫策封天寶玄光凜帝庭  
羣魔欽至化萬國保安寧

元始无量度人上品經法卷之二